

# Beppo il scuavias

## Pensums

### 1. Introducziun

Emproma da declarar tgi che Momo ei, tgei persuna, co ella viva, tgei ch'ella fa?

Tgei pomai auda Momo da ses amitgs e vischins?

Tgi ei Beppo?

Tgei ei in scuavias? Co vesa quel ora? Dessignei in scuavias.  
Ei la lavur dil scuavias propi aschi impurtonta? Tgei schabegia, sche las vias vegnan buca scuadas? Dat ei motivs per carezar/far bugen ina lavur? Tgeinins? Tgeinins ha Beppo?

Tgei drovan ins per scuar? (agid: Veis forsa gia viu en in marcau in scuavias?)  
Tgei ha in scuavias da far?

## 2. Damondas e ponderaziuns davart il text

*Co numnein nus oz tals quaters d'in marcau nua era Beppo viva? Tgei carstgauns vivan leu?  
Co ein quels carstgauns?*

*Tgei cumparsa fa in tal carstgaun sco Beppo? Sa enzatzgi mussar co Beppo veseva ora e co el  
mava per las vias?*

*Ei Beppo tups? Co ei quei cu nus tschintschein? Discurren nus semplamein senza patertgar ni  
ponderein nus avon che dar risposta? Tgei vul quei dir pesar giu mintga plaid? (plaid san far  
mal, san vegnir malcapi, san motivar, fan selegrar, promovar)*

*Fagein nus in giug: in scolar fa ina damonda, in secund scolar fa ina ulteriura damonda e  
survegn la risposta dall'emprema, lu suonda la tierza damonda cun la risposta dalla secunda  
eav. Co ei quei? Tgei tertgasses ti d'ina tala situaziun?*

*Beppo era dil meini che tut il mal dil mund derivi dallas biaras manzognas, las cunscientas, mo  
era quellas buca cunscientas, che vegnan detgas en prescha e muort malexactadad.  
Ha Beppo raschun?*

*Anflas ti exempels che demuossan quei?*

*Tgei ein manzognas cunscientas, tgei manzognas buca cunscientas?*

*Tgei ein manzegas malexactas, da quellas che vegnan detgas en prescha?*

*Co stat ei cun tei, tgei manzegas dias ti?*

*Co seregordan ins d'in fried ni co declaras ti ina color che ti has viu en in siemi?*

*Tgei ponderaziuns pomai fa Beppo? Sur da tgei? Per tgei ponderaziuns drova ei specials plaids per declarar, plaids che vegnan forsa buca gest endamen? En tgei situaziuns eis ei grev d'anflar ils dretgs plaids forsa gest perquei che las ponderaziuns ein cumplicadas da declarar? („Jeu hai buc anflau plaids per...“)*

*Michael Ende che ha scret la historia da Momo dat in cussegl a nus. Co vesa quei cussegl ora ch'el ha zuppau ellas construcziuns cheu sura? Co ei quei propi cun scuar la via, tgei metoda ei la megliera? Cun tgei caussas savessen ins remplazzar il „scuar la via“?*